

Sarkina Bt Mat Saad @ Shaari

From: Unit Komunikasi Korporat
Sent: Thursday, November 22, 2018 1:50 PM
To: UUM - All Staff; UUM - All Students
Cc: Staf - Pesara UUM
Subject: Raja Muda Kedah Rasmi Padang Golf 18 Lubang UUM



Unit Komunikasi Korporat
CORPORATE COMMUNICATION UNIT
Universiti Utara Malaysia

22 NOVEMBER 2018 / 14 RABIULAWAL 1440H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Siti Fatimah Abdullah
Gambar oleh: Muhammad Shamsul Shafie

RAJA MUDA KEDAH RASMI PADANG GOLF 18 LUBANG UUM



UUM ONLINE: Raja Muda Kedah, Duli Yang Teramat Mulia Tengku Sarafudin Badlishah Ibni Sultan Sallehuddin berkenan menyempurnakan Majlis Perasmian Padang Golf 18 Lubang Baharu UUM, di Kelab Golf Royal UUM (KGRUUM), semalam.

Menurut Naib Canselor, Prof. Dr. Ahmad Bashawir Abdul Ghani, majlis perasmian yang disempurnakan oleh Raja Muda Kedah merangkap Tuanku Pro-Canselor berlangsung pada sebelah pagi diikuti Kejohanan Golf Jemputan 2018.

Mengimbas kembali sejarah pembinaan sembilan lubang padang golf UUM dirasmikan pada 31 Julai 1994 oleh Almarhum Al Mu'tassimu Billahi Muhibbuddin Sultan Al-Haj Abdul Halim Mu'adzam Shah ibni Almarhum Sultan Badlishah, Tuanku Sultan Kedah.

"Bermula pada saat itu, UUM telah menjadi antara pilihan bagi peminat tegar sukan golf untuk mencuba dan merasai sendiri cabaran dan kesukaran bagi menguasai lapangan golf UUM ini.

"Pembinaan padang golf baharu juga merupakan satu bentuk pelaburan, dengan adanya padang golf bertaraf antarabangsa yang mempunyai 18 lubang akan menjadi satu tarikan baharu dan menarik tumpuan pemain golf seluruh Malaysia untuk datang bermain," ucapnya pada Majlis Penyampaian Hadiah Kejohanan Golf Jemputan 2018.

Selain itu katanya, matlamat pembinaan padang golf baharu ini juga untuk meneruskan peranan UUM sebagai Pusat Kecemerlangan Sukan Golf.

"UUM telah berjaya mengetengahkan bakat pemain golf yang mewakili negara hingga ke peringkat antarabangsa dan berhasrat melahirkan lebih ramai pemain tersohor justeru, pembinaan ini diharap dapat merealisasikan hasrat tersebut," ujarnya.

Pusat Kecemerlangan Sukan Golf yang diurus oleh Akademi Golf Nasional UUM merupakan satu-satunya akademi golf dalam kampus universiti yang diiktiraf oleh Kementerian Pendidikan Malaysia.

Dalam Kejohanan Golf Jemputan 2018 yang berlangsung, Wafiyuddin Abdul Manaf muncul juara diikuti Muhammad Afif Muhammad Razif dan ketiga Dr. Muslimin Wallang dalam kategori terbuka.

Manakala kategori VVIP menyaksikan DYTMRaja Muda mengungguli carta, naib johan dirangkul oleh Yang Mulia Tengku Muzammil Tengku Makram dan Naib Canselor berada di tempat ketiga pada kejohanan yang turut disertai Pengerusi Lembaga Pengarah Universiti, Prof. Dato' Dr. Sudin Haron.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
04-928 3048/3049/3052/3061
04-928 3053
ukkuum@uum.edu.my
Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.